

Résumé KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à l'adresse
ishaatlajnamu@gmail.com

SOMMAIRE

**Le Coran et le
savoir divin** 02

**L'excellence
du Coran** 03

**Le Coran : la parole
sublime de Dieu** 04

**Signes de la
venue du Mahdi
et du Messie en
Islam** 05

**Le Ramadan et
le Coran** 06



Huzoor (aba) finne dire ki Le Messie Promis (as) finne permette nous gagne ene meilleur compréhension du Quran a travers so banne écrits et so banne paroles. Huzoor (aba) finne presente ene extrait du Messie Promis (as) ki finne écrire ki ene fois, ene Brahman ki ti appel Lekh Ram finne dire li ki c'est Vedas, et non pas Quran, ki banne paroles de Bondié. Le Messie Promis (as) finne reponne li ki sa pas kapav vrai parski dans Vedas ena banne enseignement ki associer banne partenaires avec Bondié, alors ki le Quran li rejette sa concept la complètement. Donc, condition pou reconnaître ene vrai parole Bondié c'est ki bizin pena aukene aspect de shirk ladan.

Huzoor (aba) dire ki le Messie Promis (as) finne dire ki le Quran li permette ene dimoune réfléchi lor banne attributs d'Allah. Mais li pas suffit zis pou suivre le Quran sans dévotion. Au contraire, ene dimoune li bizin montrer ene l'amour et ene loyauté envers Quran et montrer ene dévotion total dans mette banne enseignements du Quran en pratique dans tous l'aspect so la vie. L'Islam, c'est seul religion vivant parski li permette a l'homme pou reconnaître sa Bondié vivant la.

Ene de banne qualité special ki Quran posséder c'est so éloquence. Ene lot distinction ki Quran posséder c'est tous sa banne récits ki li raconter la, c'est banne prophéties. Ene troisième distinction c'est ki Quran possède capacité pou amene ene dimoune so nature a plis haute stage possible. Quatrième qualité special c'est ki le Quran li amene sa dimoune ki suivre so banne enseignement la autant proche avec Allah ki sa dimoune la li kapav gagne banne conversations avec Allah, et à travers sa, arrive à ene conviction dans so imaan (la foi) ki complet.

Huzoor (aba) finne présente ene extrait du Messie Promis (as) ki finne dire ki le Quran li ene livre complet et pena aukene lezot livre ki kapav comparer avec li. Dans premier chapitre du Quran, Allah enseigne nous sa duah la : 'Guide nous lor simé droite'. Non seulement sa li ene duah, mais li aussi ene promesse d'Allah ki banne ki suivre banne enseignements du Quran, zot pou être guidé lor simé droite. Alors, li triste ki banne musulmans zot pas réfléchi lor grandeur du Quran parski pena naryer ki kapav comparer avec li.

Huzoor (aba) finne présente ene lot extrait kot le Messie Promis (as) finne dire ki Quran ene rang supérieur comparé à Hadith. C'est Quran ki le Juge final, et non pas Hadith. Donc, li important ki nous donne priorité à Quran lor Hadith. Mais en même temps, nous bizin garde en tête ki Hadith li vital pou nou acquérir ene compréhension profond du Quran. Le Messie Promis (as) dire ki l'orde dans lakel le Quran finne ékrire, séquence de so banne topics, l'ordre de so banne versets, tousala zot parfait et sa l'orde la jouer ene grand rôle pou permette à banne dimounes pou gagne ene compréhension complet du Quran so banne significations et so banne vérités.

Dans ene lot place, le Messie Promis (as) dire ki si ene dimoune li guette zis Surah Al-Ikhlâs meme, li pou trouver a ki point Allah finne explique sujet de l'Unicité d'Allah en détails mais dans bien tigit mots. Ensuite ena Surah al-Fatiha ki donne ene résumé de tous banne sujets ki ena dans Quran. Huzoor (aba) dire ki pena personne ki kapav refute sa banne zafaire la. Le Messie Promis (as) dire ki le Quran li permette ene dimoune pou reconnaître sa Ene Bondié la. Banne croyants bizin reconnaissant parski zot finne gagne ene Livre ki finne donne zotte détails lor tous banne attributs d'Allah.

Huzoor (aba) dire ki le Messie Promis (as) finne dire ki le Saint Coran contenir tous détails concernant bannes kitsoz ki bon et ceki pas bon et li contenir aussi bannes prophéties du futur. Le Messie Promis (as) ine dire ki si ene dimoune so le cœur dur et impoli, le Saint Coran kapave adouci ene telle dimoune so le cœur. Ena deux façons a travers lekel ene dimoune éloigné depi le Quran a travers so bannes propre actions. Premier, c'est ene éloignement physique depi le Quran kan nous pas faire so récitation ditout. Deuxième façon ki ene dimoune resse éloigné depi Quran c'est kan malgré li faire récitation, li pas réussi profite de so banne conseils et so banne bénédictions.

Huzoor (aba) dire ki la plupart bannes musulmans plongé dans l'ignorance parski zot ziss récite le Saint Coran et pas donne aukène l'importance pour agir lor so bannes enseignements. Majorité de banes musulmans zotte guidés par zot bannes soi-disant savants mais même sa, nous pas réussi trouve l'Islam dans zot. Pena aukene forme de guidance divine ki manker dans Quran et celui ki suivre le Quran a la perfection, sa dimoune la li en même temps purifier so le cœur et li établir ène union avec Allah. Par la suite, ene dimoune li commence experience Bondié et kan li retrouve li dans kik difficulté, so banne duaahs accepté par Allah.

Huzoor (aba) dire ki faudrait pas ki ene dimoune penser ki li finne gagne tous connaissance Quran kan li finne complete so récitation. En contraire, kan ene dimoune termine récitation et l'étude du Quran ene fois, li bizin ré-commencer et c'est lerla ki li pou remarquer ki so connaissance finne améliorer et li pou réaliser ki céki li finne appranne dans le passé lor le Quran, sa ti zis ène compréhension de base. Donc, ene dimoune pou continuer appranne et progresser chaque l'année ki passer si li étudier Quran dans sa fasson la.

Huzoor (aba) dire ki dans la Jamaat, le 23 mars li connu kuma le Massih Maoud day. Le 23 Mars 1889, le Messie Promis (as), pour la première fois finne accepter prend banne Bai'at dans Ludhiana et dans sa fasson la, la Jamaat finne fondé.

Huzoor (aba) dire ki le Messie Promis (as) fine dire ki pena aukene lezot Jamaat ki ena ene tel ressemblance a banne Compagnons de Nabi Kareem (saw). Banne signes ki banne Compagnons ti témoigner, banne dimoune kapav témoigne sa azordi ; banne épreuves et banne difficultés ki banne Compagnons finne faire face, sa aussi pé ré apparaitre azordi. Banne signes ki banne Compagnons finne témoigner et ki finne renforci zot la foi, sa pé re manifester azordi. Pareil kuma banne Compagnons ti pleurer dans namaz et pareil kuma zot finne trouve résultats de sa banne larmes la, sa pe ré arriver azordi aussi. Pareil kuma banne Sahaba ti ena l'habitude sacrifier zot du bien zis dans simé Allah, azordi aussi nous trouve banne dimounes essaie arrive au même niveau de sacrifice. Pareil kuma banne Compagnons pas ti ena aukene la peur pou mort dans simé Allah, mais en même temps zot ti ena ène le cœur doux et ti tout les temps marche lor simé de la droiture, kumsa même banne membres de sa Jamaat eter. Donc, tous banne qualités ki ti ena dans banne Compagnons, nous trouve zot réflexions dans la Jamaat du Messie Promis (as).

Huzoor (aba) dire ki pendant le mois de Ramadhan, banne Ahmadi bizin faire duah pou zot même et la Jamaat mais bizin aussi faire duah pou le peuple musulman afin ki Allah ouvert zot lizier, retire zot dépi sa l'obscurité la et permette zot reconnaître ki c'est le Messie Promis (as) et so Jamaat ki finne reellement comprend vrai statut du Saint Prophete (saw) en tant ki Khataman Nabiyyeen.


Huzoor (aba) dire ki en ce moment nous pe passe par le mois de Ramdhan, ene mois ki amène ène atmosphère bien spirituel kuma li bisin au sein d'ène communauté divine. Bizin amène ene attention plus special lor adoration Allah, garde roza et recitation du Saint Coran.

Huzoor (aba) dire ki d'après bannes récits, c'était pendant 24ème jour de Ramadhan ki le Saint Prophète (saw) ti recevoir so premier révélation Quran. C'était aussi pendant sa mois la même ki Ange Gabriel ti pe faire le Saint Prophète (saw) recite le Quran.

Huzoor (aba) finne cite ene extrait de Hazrat Massih Maoud (as) ki dire ki Quran li ene Shariah (la loi) ki continuel et ki durable. Bannes enseignements d'Allah zotte de deux qualités: bannes ki applicable pou tout bannes l'époque et pou tout le temps et deuxième, bannes ki applicable zisse pou ene certain période ou certain cas même si zotte bannes enseignements la li éternels. Le Quran, li le sceau de tous bannes livres. Pas kapave dire ki bannes enseignements Quran nepli applicable azordi, au contraire so bannes bénédictions pe continuer resse manifester tout le temps. Le Saint Prophète (saw) finne constamment conseiller ki apart zotte la foi, bannes dimounes bizin aussi adopter la sagesse, connaissance et compréhension.

Huzoor (aba) finne cite ene lotte extrait de Hazrat Massih Maoud (as) ki dire ki Quran finne révèle bannes telles vérités ki aider pou élargi ene dimoune so compréhension et façon penser, que ce soit en ce qui concerne bannes kittechose ki relir à la spiritualité ou mondaine. Quran finne révèle vrai connaissance ki aide ène dimoune pou augmente so compréhension lor Allah et ainsi augmente so l'amour et certitude dans Allah. En comprenant bannes vérités du Quran, nous pou reussi arrive dans rangs de bannes érudits à l'époque du Saint Prophète (saw). Le Saint Prophète (saw) ti compare zot a bannes prophètes de banne zenfans d'Israel.

**Nous encourage tous ban Lajna et Nasirat
pou suivre Khutba Jummah en direct lor ban
chaines de la MTA**



Click lor ban link en bas pou accéder directement

<http://www.mta.tv/live>

ou

<http://www.mta.tv/live-audio-only>

ou pou Android app

**[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)**

